

VAKSINIME PËR TË GJITHË

- + Vaksinat kundër gripit**
- + Vaksinat Pfizer dhe J&J kundër COVID-19**
 - Dozat për të rriturit
 - Dozat për fëmijë nga 5 vjeç e lart
 - Dozat e treta
 - Vaksinat përforcuese

Ofrohen këtu për të gjithë ata që kualifikohen

Me COVID-19 dhe sezonin e gripit që shfaqen së bashku është më e rëndësishme se kurrë të mbron veten dhe ata pranë jush nga sëmurja.

Vaksinat kundër COVID-19 dhe gripit janë të sigurta dhe tejet efikase për të reduktuar rrezikun e sëmurjes, shtrimit në spital dhe deri edhe vdekjes.

Mund t'i merrni vaksinën kundër COVID-19 dhe gripit njëherësh pa shpenzime nga ana juaj.

Mësoni më tepër se cila vaksinë është e duhura për ju. Skanoni kodin QR ose telefononi në nr. **1-844-NYC-4NYC** (1-844-692-4692).

Mësoni më shumë për
vaksinat kundër
COVID-19



Mësoni më shumë për
vaksinën
kundër gripit



Kush duhet të vaksinohet kundër gripit dhe COVID-19?

Vaksina kundër gripit

Të gjithë njerëzit nga gjashtë muajsh e lart duhet ta bëjnë çdo vit vaksinën kundër gripit, sidomos:

- + Fëmijët nën 2 vjeç
- + Njerëzit mbi 65 vjeç
- + Gratë shtatzëna apo që kanë kryer lindje së fundi
- + Njerëzit me probleme mjekësore si p.sh. diabeti, astma, sëmundja e zemrës apo HIV
- + Punonjësit e shërbimeve bazike, duke përfshirë punonjësit shëndetësorë dhe kujdestarët e njerëzve që janë në rrezik më të lartë sëmurjeje. Ata që kujdesen për fëmijët, sidomos për foshnja nën gjashtë muaj, duhet ta kryejnë gjithashtu vaksinën kundër gripit.

Vaksina kundër COVID-19

Shumica e personave gëzojnë tani të drejtën e kryerjes së një vaksine kundër COVID-19:

- + Personat e moshës 5 deri 11 vjeç mund të bëjnë dy doza pediatrike (një e treta e fuqisë) së Pfizer-BioNTech
- + Njerëzit nga 12 vjeç e lart mund të bëjnë dy doza të vaksinës Pfizer-BioNTech
- + Njerëzit 18 vjeç e lart mund të kryejnë dy doza të vaksinës Moderna ose një dozë të Johnson & Johnson/Janssen

Doza e 3-të e vaksinës së Pfizer ose Moderna kundër COVID-19

Dozat e treta u ofrohen personave që kanë kryer dozën e dytë të vaksinës kundër COVID-19 të paktën 28 ditë më parë dhe kanë sistem të dobësuar imunitar për shkak të ndonjë problemi apo trajtimi. Këto përfshijnë:

- + Trajtim aktiv kundër kancerit
- + Transplantim organi dhe mjekime për të reduktuar fuqinë e sistemit imunitar
- + Transplantim qelizash staminale brenda 2 viteve të fundit
- + Imunodeficiencë primare e rëndë ose mesatare
- + HIV i avancuar ose i patrajtuar
- + Trajtim aktiv me një dozë të lartë kortikosteroidësh ose barnash të tjera që e dobësojnë sistemin imunitar në shkallë të lehtë apo të mesme

Duhet të jeni 12 vjeç e lart për të kryer dozën e 3-të të Pfizer dhe 18 vjeç e lart për të kryer dozën e 3-të të Moderna. Dozat e treta nuk rekomandohen për shumicën e njerëzve me probleme të tjera mjekësore, si p.sh. diabet, sëmundje të zemrës apo të mushkërive.

Doza përforcuese për COVID-19 - Marrësit e vaksinave të Pfizer dhe Moderna

Gjithkush nga 16 vjeç e lart duhet të bëjë një injeksion përforcues të paktën 6 muaj pas marrjes së dozës së dytë të serisë primare të vaksinimit kundër COVID-19.

Personat që bëjnë dy injeksione të vaksinës së Pfizer ose të Moderna duhet të përpiqen të bëjnë të njëjtën vaksinë si përforcuesja, por kanë zgjedhjen të kalojnë te cilado nga tri llojet e vaksinave të autorizuara në SHBA.

Njerëzit e moshës 16-17 vjeç që kanë bërë më parë serinë primare të Pfizer mbi gjashtë muaj më parë përfitojnë vetëm injeksionin përforcues të Pfizer. Njerëzit e moshës 5-15 vjeç nuk përfitojnë injeksione përforcuese për momentin.

Doza përforcuese për COVID-19 - Marrësit e vaksinës së Johnson & Johnson

Gjithkush nga 18 vjeç e lart duhet të bëjë një injeksion përforcues të paktën dy muaj pas bërjes së vaksinës së parë njëdozëshe kundër COVID-19. Injeksioni përforcues mund të jetë cilido prej tri llojeve të vaksinave të autorizuara në SHBA. Nëse nuk jeni të sigurt cilin lloj vaccine duhet të bëni, flisni me një ofrues të kujdesit shëndetësor ose me personelin klinik në pikën e vaksinimit.

Spitalet në sistemin e NYC Health + Hospitals ofrojnë vaksinat Pfizer dhe J&J. Qendrat e NYC Health + Hospitals/Gotham Health ofrojnë vaksinën Moderna. Për një listë të plotë të qendrave, vizitoni faqen tonë në internet: nychealthandhospitals.org.